

# ურთიერთთანამშრომლობის მემორანდუმი

თბილისი

15.06.2013

ახალ სასწავლო უნივერსიტეტსა და თბილისის ჰუმანიტარული სასწავლო უნივერსიტეტს შორის ბიზნესის ადმინისტრირების მიმართულებით აკადემიური პროგრამების ეფექტური განხორციელების და ბიზნეს ადმინისტრირების მეცნიერების განვითარების ხელშეწყობის, სასწავლო-მეთოდური გამოცდილების ურთიერთგაზიარებისა და აკადემიური ურთიერთგაცვლის საერთო ამოცანებიდან გამომდინარე, მხარეები, ერთი მხრივ, ახალი სასწავლო უნივერსიტეტი და მეორე მხრივ, თბილისის ჰუმანიტარული სასწავლო უნივერსიტეტი თანხმდებიან, რომ მათი ურთიერთთანამშრომლობის საგანი იქნება:

- ბიზნესის ადმინისტრირების საგანმანათლებლო პროგრამების სასწავლო-მეთოდური და საინფორმაციო უზრუნველყოფა;
- აკადემიური ურთიერთგაცვლა, რაც ერთი მხრივ, გული სხმობს განათლების სფეროში მოქმედი ეროვნული კანონმდებლობის შესაბამისად, აკადემიური პერსონალის გაცვლას, ასევე სტუდენტთა გაცვლითი პროგრამების რეალიზაციას;
- ერთობლივი კონფერენციების, სემინარების, ოლიმპიადებისა და ტრენინგების ორგანიზება;
- განათლების ხარისხის განვითარების გაძლიერების მიზნით ერთობლივი წინადადებების შემუშავება და რეალიზაცია, საქართველოს კანონმდებლობის შესაბამისად;
- სტუდენტთა მიერ სწავლის პერიოდში მიღებული განათლების აღიარება და მათი შემდგომი განათლებით უზრუნველყოფა;
- აკადემიური პერსონალის კვალიფიკაციის ამაღლება.

მხარეები, ზემოაღნიშნული ამოცანების მისაღწევად და დაგეგმილი თანამშრომლობის პრაქტიკული რეალიზაციისათვის უფლებამოსილნი არიან საჭიროების შემთხვევაში გააფორმონ ხელშეკრულებები და გამოყონ შესაბამისი დაფინანსება და რესურსები.

ეს მემორანდუმი დადებულია 4 წლის ვადით და ექვემდებარება ავტომატურად იმავე ვადით გაგრძელებას, თუ ერთ-ერთმა მხარემ ვადის ამოწურვამდე 1 თვით ადრე წერილობითი შეტყობინებით არ განაცხადა უარი მის ავტომატურ გაგრძელებაზე.

მემორანდუმი დადებულია ქართულ ენაზე, თანაბარი იურიდიული ძალის მქონე ორ ეგზემპლარად.

ახალი სასწავლო უნივერსიტეტის

თბილისის ჰუმანიტარული სასწავლო უნივერსიტეტის

რექტორი

პროფესორი ლ. გარდაფხაძე



პრორექტორი

პროფესორი კ. ყურაშვილი

